

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich Berlin, 1859

LXXI. Joachim von Borck verschreibt dem Karthäuser-Kloster vor Schiefelbein 16 Marck jährliche Zinsen, am 19. August 1500.
Nutzungsbedingungen

urn:nbn:de:hbz:466:1-55359

ihre fleissige vndt demüetige Bitte, so Sie an Vns gethan, vndt haben ihnen darauf diese hernach geschriebene freyheit vndt gnade gegeben, gegönnet vndt gethan, nemblich das die genandte Stadt Schiefelbein vndt ihre nachkommende sich der Hundert Vier vndt Sechzigk Husen, so zu derfelben Stadt Schiefelbein gelegt vnd geeignet fein, an Höltzern, an Aeckern, an Wiefen yndt an Bruken, mit allen Sehen vndt wassern, fließenden vndt stehenden, die Inn den vorgemelten Wäldern, in Höltzern, in Wiesen vndt in Bröken sein vnd hernachmahls möchten werden, ietzundt vndt ewigklich sollen gebrauchen mit Fischereyen, Jagdt vnd allen andern ihren Zubehörungen, nutz vndt Früchten, die davon kommen mögen, vndt das Sie des Ackers, Holtzes, Wiesen, Wassers, Fischereye vndt Jagtt aller Thiere, gehende vndt sliegende, niemandt soll gebrauchen oder nütze machen, es fey dan der Rahtleutte vndt Bürger Will vndt Volworth, vor jedermännigkliches vngehindert, ohne gefehrde, doch Vns vndt Vnfern Erben Vnfchedlich an Vnfern Rechten vndt gerechtigkeiten. Vndt aus fondern gnaden, fo wir zu derfelben Vnfer Stadt Schiefelbein tragen vndt zu einer ergetzlichkeit ihres schadens, den Sie bey Vns in diesen Kriegen undt gerechtigkeit Vnser Lande Stettin, Pommern gelitten vndt fich als fromme Leute bey Vns vndt Vnfern Herrschaften gehalten haben, wir Sie forder begnadet vnd befreyhet, Begnaden vndt befreyhen Sie hiermit vndt in Kraft dieses Briefes, Nemblich also: Nachdem die vorgemelte Vnser Stadt Schiefelbein an den Brocken, die in derselben Stadt gefallen, den dritten Psenning gehabt hat, das hinfürter, so die Richter, dem ietzundt das Dritteil des Gerichts aldar Verlehnet ift, ohne mänliche Leibes Lehens Erben mit tode abginge vndt Vns das Gerichte also Verlediget würde, sollen vndt mögen wir die eine helfte vndt, die Stadt die ander helfte an die Bröcken, die in der Stadt gefallen, haben vndt nehmen ohn gefehrde. Wir haben ihnen auch mehr gegönnet vndt gegeben, das Sie fürter mehr alle die jenigen, die Vnrechte malse geben oder schencken, bey Vnrechten gewichten Verkaussen oder mit Vnrechten Ellen messen, mögen straffen, vndt dieselbe Busse in Vnser Stadt Schiefelbein nutz vndt frommen wenden vndt kehren, fortmehr die helfte von den Brocken von yfhaltung wegen Verkaufs vndt entführung an Korn vndt Vieh vndt allen andern Dingen ewigklichen fonder hindernüßen zu hebende, ohne alles gefehrde, doch alles Vns, Vnfer Herrschaft undt Erben an Vnfer Obrigkeit vndt gerechtigkeit, als vorberüert ist, vnschedlich. Wir behalten Vns auch hierinne das waßer vndt die fliete, die Rege genandt, mit aller Zubehörung vndt nutzung vndt vnser Orbede vndt alle andere Vnser Herrligkeit vndt Obrigkeit, die wir aldo alse der Landesfürst vndt ihre rechte Herr haben. Zu Uhrkundt haben Wir Vnser Insiegel an diesen briefe lassen hencken. Geben Sontags Invocavit, im Funfzehenhundersten Jahre.

Aus bem Transfumte in Friedrich Bilhelms, bes Gr. Kurfurften, Beftätigung vom 20. Juni 1655, im Ctabtarchive.

LXXI. Joachim von Borck verschreibt bem Karthauser-Kloster vor Schiefelbein 16 Mark jahrliche Zinsen, am 19. August 1500.

Vor allen dissem Brieff zeen edder hören lesen, bekenne ich Junghe Jochim Borcke, ersseten thom Strammel, vor my vnde myne eruen, dat ick hebbe verkost vnde Jeghenwerdigen

verkope in Kraft vnd macht disse Breves den Innighen geistlichen vedern vnd Brodern carthusern vor Schieuelbeyn geleghen, de nu zinth, vnd alle eren nakomelingen Sosteyn Marck Jarlicke pacht, alle Jar tho börende in der stadt Reghenwoldischen Jarmarckt In deme dorpe Storgur etc. vor vustich rynsiche ghuldene, de ze my wol tho dancke vornoghet vnd betalet hebben etc. — gegheuen vnd schreuen is In den Jaren vnsers Heren dusenth vishunderth, des middeweckens vor Bartholomei.

Abgebruckt in &. R. v. Berner's gefammelten nadprichten Bb. I. pag. 218.

LXXII. Kurfürst Joachim und Markgraf Albrecht vereignen bem Karthäuser-Kloster vor Schiefelbein bas Dorf Beuftrin, am 25. März 1504.

Von gottes gnaden wir Joachim, Churfurst etc., vnd Albrecht, gebruder, Marggreuen zu Brandemburg, Bekennen vnd thun kunt offintlich mit disem vnserm briue vor vns, vnnser erben vnd nachkomen Marggrauen zu Brandemburg vnd sunst vor allermeniglich, die In fehen oder horen lefen, Das wir dem almechtigen gott zu lob, der Junckffrawen marien und allem hymelischen Here zu Eren vnd zu enthaltung des loblichen gotshawss vnd Carthewser Closters vor Schiuelbein gelegen, auch vmb fleissiger bete willen den Erwirdigen vnsern liben andechtigen prior vnnd gantzer versamlung des gnanten Carthewser Closters vor Schiuelbein vnd iren nachkomen disse hirnachgeschriben guter zu rechtem ewigen eygenthumb gnediglich verschriben vnd geliben haben, nemlich das dorff Boystrin In der Schinelbeinischen pflege mit allen gnaden, nutzungen, zugehorungen vnd gerechtigkeyten, nichts aufgenomen, als das In feinen grenitzen gelegen ist und Inmassen sie sulchs von peter Hamburg, Burgermaister zu Schiuelbeyn, erkausst, der es von vns zu lehen befellen vnd vff ir vnd des Closters behuff vor vnsern Rethen mit hand vnd mundt verlassen hatt, vnd wir leyhen Inen sulch obgnant dorff mit allen vnd itzlichen seinen gerechttigkeyten, nichts aufgenomen, wie peter Hamburg das von vnns zu lehen gebraucht vnd gehabt hat, zu rechtem ewigen Eigenthumb, fich des, wie eygenthumbs recht vnd gewonheit ift, gleich andern iren guttern Inen vereygent ewiglich zugebrauchen, In vnnd mit crafft ditzs brines. Zu urkunt etc. Actum Collen, am tag annunciacionis marie, anno etc. XV. quarto.

Rach bem Reumarfifchen Lehnscopialbuche XXX, 16.